

REPUBLIKA E SHQIPERISE
Keshilli i Ministrave

VENDIM
Nr. 161 , date 18.3.2004

PER MENYREN E LLOGARITJES, TE CAKTIMIT DHE PAGESES SE
PERFITIMEVE PER PUNONJESIT, QE KANE PUNUAR NE DISA NDERMARRJE
TE INDUSTRISE USHTARAKE

Ne mbështetje të nenit 100 të Kushtetutës, të nenëve 5, 10 e 11, të ligjit nr.9179, datë 29.1.2004, "Për një trajtim të vecantë të punonjësve, që kanë punuar në disa ndërmarrje të industrisë ushtarake", të nenit 58, të ligjit nr.7708, datë 11.5.1993, "Për sigurimet shoqërore në Republikën e Shqipërisë", të ndryshuar, të nenëve 21 e 27, të ligjit nr.8379, datë 29.7.1998, "Për hartimin dhe zbatimin e buxhetit të shtetit të Republikës së Shqipërisë", dhe të nenit 7, të ligjit nr.9165, datë 23.12.2003, "Për buxhetin e shtetit, të vitit 2004", me propozimin e ministrit të Mbrojtjes dhe të ministrit të Funes dhe të Ceshtjeve Sociale, Keshilli i Ministrave

VENDOSI:

1. Punonjësit, që kanë punuar në ndërmarrjet e industrisë ushtarake, që përfitojnë trajtim të vecantë, me poshtë do të quhen "Personi i interesuar", të dorëzojnë pranë drejtorive rajonale të sigurimeve shoqërore, në vendbanimin e tyre, keto dokumente:

- a. Kërkesën për përfitim (përfshirë dhe deklarinë nëse ushtron apo jo veprimtari ekonomike);
- b. Certifikatën e lindjes, me fotografi;
- c. Librezen e punës;
- c. Vertetimin nga organet e tatim-taksave, se nuk ushtron veprimtari ekonomike, si person fizik apo juridik.

Personi i interesuar paraqet një kopje të kërkesës për përfitim edhe në administratën e ndërmarrjes ku ka qenë vendi i fundit i punës së tij.

2. Administrata e ndërinarrjes së industrisë ushtarake, që ka qenë vendi i fundit i punës së të interesuarit, pasi shqyrton kërkesën, plotëson keto dokumente:

- a. Vertetimin për vjetërsinë në punë, ku përfshihen periudhat e sigurimit, të punës në ndërmarrjet e industrisë ushtarake dhe të gatishmerisë;
- b. Vertetimin e bazës së vlerësuar, për të citen është derdhur kontributi i sigurimeve shoqërore, nga viti 1994 deri në castin e ndërprerjes së marrëdhënieve të punës.

Keto dokumente i dërgohen Institutit të Sigurimeve Shoqërore.

3. Instituti i Sigurimeve Shoqërore bën regjistrimin e dokumentacionit të mesiperm dhe ua dërgon drejtorive rajonale të sigurimeve shoqërore, ku është paraqitur kërkesa e personit të interesuar, për kryerjen e procedurave të përfitimit dhe të pagesës së tij.

4. Masa e përfitimit minimal, kur mungojnë dokumentet për llogaritjen e bazës së vlerësuar

per percaktimin e perfitimit, te jete 6 728 (gjashte mije e shtateqind e njezet e tete) leke.

5. Efektet financiare per kete vit fillojne nga data e hyrjes ne fuqi te ligjit nr.9179, date 29.1.2004, dhe arrijne shumen 162 000 000 (njqind e gjashtedhjet e dy milione) leke, e cila ndahet ne zerat, si me poshte vijon:

a. "Paga", ne shumen 108 000 000 (njqind e tete milione) leke, te perballohet nga buxheti i vitit 2004, zeri "Pagese papunesie", miratuar per Ministrine e Punes dhe te Ceshtjeve Sociale.

b. "Kontributet e sigurimeve shoqerore", ne shumen 54 000 000 (pesedhjet e kater milione) leke, te perballohen nga fondi rezerve i Keshillit te Ministrave.

6. Per periudhen 1 janar 2004 deri ne castin e hyrjes ne fuqi te ligjit personat e interesuar te trajtohen me pagese papunesie.

7. Punonjesit e tjere, qe nuk perfitojne sipas ligjit nr.9179, date 29.1.2004, te trajtohen me page per periudhen 1 janar 2004 deri me 31 dhjetor 2004, si me poshte vijon:

a. Sipas vendimit nr.389, date 8.8.2002, te Keshillit te Ministrave,

gjithsej 10 punonjes te Uzines Mekanike, Gramsh ;

b. Sipas vendimit ill.766, date 8.12.1998, te Keshillit te Ministrave, "Per pagesen e punonjesve te disa linjave teknologjike, ushtarake, te rendesise se vecante", te ndryshuar:

- 311 punonjes te Kombinatit Mekanik, Polican;
- 19 punonjes te Uzines Mekanike, Gramsh;
- 20 punonjes te Uzines se Lendeve Plasese, Elbasan;
- 5 punonjes te Uzines se Riparimit te Aviacionit, Kucove;
- 20 punonjes te Uzines se Pilave, Gramsh.

8. Efektet financiare, ne zbatim te pikes 7, ne shumen 60 000 000 (gjashtedhjet e milione) leke, te perballohen nga fondet buxhetore te vitit 2004, zeri "Pagese papunesie", miratuar per Ministrine e Punes dhe te Ceshtjeve Sociale.

9. Dhenia e perfitimit te behet sipas udhezimit te perbashket te ministrit te Mbrojtjes dhe te ministrit te Punes dhe te Ceshtjeve Sociale.

10. Ngarkohen ministri i Mbrojtjes, ministri i Punes dhe i Ceshtjeve Sociale, ministri i Financave dhe drejtori i Institutit te Sigurimeve Shoqerore per zbatimin e ketij vendimi.

Ky vendim hyn ne fuqi menjehere dhe botohet ne "Fletoren zyrtare".

**KRYEMINISTRI
FATOS NANO**

**MINISTRI I MBROJTJES
PANDELI MAJKO**

**MINISTRI I PUNES DHE I CESHTJEVE SOCIALE
ENGJELL BEJTAJ**